



Iohannes ille studiorum gratia patriam reliquit, atque Parisios profectus est, ut ibi commodius literis operam dare, atque rerum cognitionem adipisci posset. Itaque breui tempore uiris doctissimis collatus fuit. Erat enim philosophus & Astronomus inter omnes eius ætatis celeberrimus. Itaque Mathematicas disciplinas, à memoria hominum penè intermissas, egregiè instaurauit, atque suæ eruditionis ingentem laudem acquisiuit. Habuit autem in ea facultate cooperatorem Iohannem de Ligneris, uirum egregiè eruditum. Edidit postea Canones Ecclipsales, Canones tabularum, librum de Astrolabio, unâ cum alijs, eo tempore cum Iohannes uicesimus secundus papam, & Ludouicus Bavarus Cæsarem ageret, anno post natiuitatem Domini millesimo, trecentesimo, & tricesimo.

Trit, in script.